



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Խմբագրական

Ճանաչումից դեպի հատուցում

Հայոց ցեղասպանության 100-րդ տարելիցի միջոցառումներ տեղի ունեցան ամբողջ աշխարհում: Թուրքական կառավարությունը, ինչքան էլ փորձեց խանգարել և միջազգային հանրության ուշադրությունը շեղել Հայոց ցեղասպանության 100-րդ տարելիցի միջոցառումներից՝ ապրիլի 24-ին կազմակերպելով տոնախմբություն Փալիպոլիում, այնուամենայնիվ պետք է նշել, որ դա նրան չի հաջողվել: Թուրքիայի կողմից հատուկ ապրիլի 24-ին կազմակերպված Փալիպոլիի միջոցառումը ոչ միայն որևէ կերպ չկարողացավ ստվեր նետել 100-րդ տարելիցի միջոցառումների վրա, այլ էլ ավելի ուշադրություն կենտրոնացրեց դեպի Հայոց ցեղասպանությունը, ինչպես նաև յուրահատուկ ազդակ հանդիսացավ միջազգային հանրության համար՝ տեսնելու համար թուրքական իշխանությունների իրական դեմքը: Առաջադեմ մարդկությունը և միջազգային լրատվամիջոցները ոչ միայն այն կապում էին ապրիլի 24-ին աշխարհասփյուռ հայության կողմից Հայոց ցեղասպանության տարելիցի հետ, այլև քննադատում թուրքական կառավարության նման գործելանոցը:

100-րդ տարելիցի առանձնահատկություններից կարելի է համարել Հայոց ցեղասպանության ճանաչման գործընթացում տեղի ունեցած մի կարևոր գործընթաց, որն այդքան էլ ուշադրության չի արժանացել: Հայոց ցեղասպանությունը ճանաչեցին այնպիսի երկրներ, որոնք Առաջին աշխարհամարտի ժամանակ Օսմանյան Թուրքիայի դաշնակիցներն էին, և նրանց հանցավոր լուծության ներքո էր տեղի ունեցել, ինչպես Հռոմի պապին անվանեց՝ «ցեղասպանությունների դարի առաջին ցեղասպանությունը»: Եվ այսպես, Հայոց ցեղասպանությունը ճանաչեցին և դատապարտեցին, ինչպես նաև սեփական մեղքի բաժինը խոստովանեցին Ավստրիան, Գերմանիան, Բուլղարիան: Մի կարևոր հանգամանք է ևս. որանք այն երկրներն են, որոնք առկա են մեծ քանակությամբ թուրքական համայնքներ, ինչպես նաև սերտ քաղաքական և տնտեսական կապեր ունեն Թուրքիայի Հանրապետության հետ: Սա կարող է լինել լավագույն ազդակ մյուս բոլոր երկրներին, որոնք թեկուզ և ընդունում են Հայոց ցեղասպանության փաստը, սակայն չեն շտապում այն ճանաչել և դատապարտել՝ հիմնվելով Թուրքիայի հետ սերտ քաղաքական, տնտեսական կամ ռազմական հարաբերությունների վատթարացման ռիսկի վրա:

Հայոց ցեղասպանության ճանաչումն ու դատապարտումն այնպիսի երկրների կողմից, որոնք ոչ անմիջական մասնակցություն են ունեցել մարդկության դեմ գործած այդ մեծ հանցագործությանը, կարևոր է նաև նրանով, որ ճանաչման գործընթացն ընդհուպ մոտենում է Թուրքիային: Պետք է միամտորեն կարծել, որ Հայոց ցեղասպանության դատապարտումը և ճանաչումը տեղի է ունենում միայն մարդասիրական հիմունքներից ելնելով: Իհարկե, այդ գործընթացում երկրները շարժվում են նաև սեփական շահերից ելնելով՝ հաշվի առնելով ստեղծված աշխարհաքաղաքական իրավիճակը, սակայն անհրաժեշտ է կարեւորել, որ նման պարագայում մենք՝ հայերս, պետք է ամեն ինչ անենք, որպեսզի մեր շահերի օգտին որոշումներ ստանանք աշխարհի տարբեր անկյուններից:

Հայ ժողովուրդը երկար տարիներ պայքար է տարել Հայոց ցեղասպանության ճանաչման և դատապարտման համար: Այդ պայքարում Հայ Յեղափոխական Դաշնակցությունը ոչ միայն առաջամարտիկ է, այլև մշտապես առաջնորդել է այն:

Այսօր ՀՀ Դաշնակցության՝ Հայոց ցեղասպանության պահանջատիրական և հատուցման ուղղված գաղափարներն արտացոլվում են նաև հայկական զույգ պետությունների մակարդակով: Այդ երեւոյթի վրա ապացույցն է Հայոց ցեղասպանության 100-ամյակի առիթով կյանքի կոչված Հռչակագիրը, որը պետք է դառնա ուղեցույց և մեկնակետ հատուցման ուղղությամբ տարվող պայքարում:



Վաղվա օրը մենք անելիք ունենք Արցախի համար. Հրանտ Մարգարյան

Հայոց ցեղասպանության 100-ամյա տարելիցի առիթով ապրիլի 24-ին Արցախ էր ժամանել և Ստեփանակերտի հուշահամալիրի նորակառույց Անլուելի զանգակատանն իր հարգանքի տուրք էր մատուցել ՀՀ Բյուրոյի ներկայացուցիչ Հրանտ Մարգարյանը: Ինչպես նշեց Հրանտ Մարգարյանը՝ նա իր պարտքն է համարել այդ օրը լինել Արցախում:

«Ցանկացա այս օրը Ստեփանակերտում լինել մի քանի նպատակներով: Ողջ ուշադրությունն այսօր կենտրոնացած է Երեւանի և Ցեղասպանության վրա, ու դա ճիշտ է, այդպես էլ պետք է լինի: Բայց չպետք է մոռանանք, որ մենք Արցախ ունենք, և այն մեր գերիսկրին է այսօր: Վաղվա օրը մենք անելիք ունենք Արցախի համար», լրագրողների հետ զրույցում ասել է ՀՀ Բյուրոյի ներկայացուցիչը:

Հատկանշական է այն հանգամանքը, որ հենց այդ օրը՝ ապրիլի 24-ին, ԼՂՀ նախագահ Բակո Սահակյանը Հուշահամալիրում ունեցած իր ելույթում անդրադարձել է այն գաղափարին, որ թեև Ցեղասպանությունն այսօր ամբողջ աշխարհում ճանաչված է, բայց մեր ժողովրդի միասնականությունը, մեր մար-

տունակ բանակը, Հայաստան-Սփյուռք-Արցախ անսասան եռամիասնությունն ի վերջո կպարտադրի Ցեղասպանության արդար հատուցում: Նախագահը կարեւոր էլ է այն, որ աշխարհի լուծությունն այսօր կարող ենք կոտրել մեր միասնական ծայրով:

Ապրիլի 24-ին ՀՀ Դաշնակցության Բյուրոյի ներկայացուցիչ ներկայությունն Արցախում մեկ անգամ էս ապացուցում է, որ այսօր Արցախը ՀՀ Դաշնակցության համար գերիսկրի է, միաժամանակ՝ մեկ անգամ էս փաստելով Արցախի և ՀՀ-ի բնական դաշնակից լինելու հանգամանքը:

Անդրադառնալով Հայ Յեղափոխական Դաշնակցության ունեցած ներդրմանը Արցախում պետականության ստեղծման գործում, ինչպես նաև Ցեղասպանության դերակատարությանը, դեռևս ս.թ. փետրվարի 28-ին՝ Սուվաշիթի ցեղասպանության զոհերի հիշատակի օրը, Արցախ կատարած ուխտագնացության ժամանակ ՀՀ Բյուրոյի ներկայացուցիչն ասել է. «Մենք պետություն ենք ստեղծել, որպեսզի հայոց պատմության մեջ այլևս չունենանք մի այնպիսի էջ, որ-

տեղ ցեղասպանության մասին խոսք լինի: Երկար ժամանակ պետականությունից զրկված ենք եղել, և այս պետականության ստեղծումը նշանակում է, որ այն մեր ամենօրյա «գուրգուրանքի» կարիքն ունի:

Մենք պետություն ենք ստեղծել, և այդ պետությունը պետք է լինի այնպիսին, որ կարողանա մեր ժողովրդի նկատմամբ հոգատարություն ունենալ, որ կարողանա մեր անվտանգության համար պատասխանատվություն կրել:

Մենք պետություն ենք ստեղծել, որպեսզի կարողանանք մեր ժողովրդի գարգացումն ու բարօրությունն ապահովել: Այդպիսի պետություն ունենալու համար, սակայն, պետք է մասնակից լինենք նրա ստեղծմանը, մեր հերթին պետք է ներդրություն քաշենք, որպեսզի կարողանանք այդ պետությունն ունենալ:

Ուզենք, թե չուզենք՝ մեր պետականությունը պիտի լինի համահայկական, որովհետև այդ համահայկականն ու համազգայինը չի սահմանափակվում Հայաստանի Հանրապետությամբ և Լեռնային Ղարաբաղի Հանրապետությամբ»:

ԼՂՀ ԱԺ ընտրություններ. ՀՀ Գ քարոզարշավ



Շարունակվում է ԼՂՀ ԱԺ ընտրություններում ՀՀ Դաշնակցության քարոզարշավը, որի շրջանակներում ՀՀ Դաշնակցության և մեծամասնական ընտրակարգով առաջադրված թեկնածուները շարունակում են հանդիպումներ ունենալ...

Կարդացեք 2-րդ էջում

Ֆրանսուա Օլանդ. Հայոց ցեղասպանության ճանաչումը խաղաղության ակտ է



«1915 թվականի մայիսից ի վեր՝ Ֆրանսիան, Մեծ Բրիտանիան, Ռուսաստանը հրապարակեցին համատեղ հայտարարության՝ որակելով այն, ինչ կատարվում է հայ ժողովրդի, մարդկության հանդեպ, ցեղասպանություն...»

Կարդացեք 3-րդ էջում

ԼՂՀ ԱԺ ընտրություններ. ՀՀԴ քարոզարշավ



Շարունակվում է ԼՂՀ ԱԺ ընտրություններում ՀՀԴ Դաշնակցության քարոզարշավը, որի շրջանակներում ՀՀԴ համամասնական և մեծամասնական ընտրակարգով առաջադրված թեկնածուները շարունակում են հանդիպումներ ունենալ ինչպես շրջանների, այնպես էլ մայրաքաղաքի բնակչության, տարբեր գերատեսչությունների, մայրաքաղաքի դպրոցների աշխատակազմերի հետ:

Հատկանշական է ՀՀԴ թեկնածուների հանդիպումն Արցախի մայր բուհի դասախոսների և ուսանողների հետ, որի ընթացքում թեկնածուները կարելորեցին մայր բուհի դերը՝ որպես երկրի գլխավոր կրթական ու դաստիարակման օջախի:

ՀՀ Դաշնակցությունը, կարելորելով երկրում կրթության ու գիտության զարգացումը՝ որպես Արցախի առաջընթացի գրավական, իր նախընտրական ծրագրի առաջին բաժինը տրամադրել է այդ ոլորտին: Ստորեւ ներկայացնում ենք այն.

Կրթություն ու գիտություն

Դաշնակցությունը կրթության և գիտության դերը տեսնում է երկրի անվտանգությանը, տնտեսական և ռազմական հզորացմանը ծառայելու մեջ: Գիտության ոլորտի պետական քաղաքականության հիմնական նպատակները պետք է լինեն գիտական ու գիտատեխնիկական ներուժի զարգացումը, կադրերի պատրաստման արդյունավետ համակարգի ձևավորումը, գիտության, կրթության և արտադրության ինտեգրումը: Կրթության համակարգը պետք է կոչված լինի ձեռավորելու մասնագիտական պատշաճ պատրաստվածություն ունեցող և համակողմանի զարգացած, ինքնակազմակերպման ընդունակ, հայրենասիրության, մարդասիրության ու ազգային պետականության համար

հպարտության ոգով դաստիարակված քաղաքացիներ:

Վերջին տարիներին համակարգի զարգացման դրական միտումներից կարելի է առանձնացնել դպրոցաշինությունը և նախադպրոցական համակարգի աշխուժացումը, ուսուցիչների աշխատավարձերի բարձրացումը, դպրոցականներին անվճար դասագրքերով ապահովումը:

Մենք գտնում ենք, որ անհրաժեշտ է՝

- ընդլայնել կրթական համակարգում հայրենասիրական և ազգային դաստիարակություն պարունակող ծրագրերն ու նախաձեռնությունները,
- ընդլայնել նախադպրոցական կրթության համակարգը՝ բացելով պետական մանկապարտեզներ: Խրախուսել այս ոլորտում մասնավոր ներդրումները կառավարություն-համայնք-ներդրող երկարաժամկետ պայմանագրային հարաբերությունների ձևաչափում և այն առավել գործնական դարձնել,

- համատեղել ուսուցման և դաստիարակության գործընթացներն ու վերականգնել արտադպրոցական դաստիարակության համակարգը,
- ընդլայնել արհեստակցական ուսումնարանների ցանցը և այն համապատասխանեցնել ԼՂՀ տնտեսական զարգացման հեռանկարին: Տվյալ կրթօջախներում ստեղծել նյութատեխնիկական ժամանակակից բազա,
- երկրի համաչափ զարգացման պահանջից ելնելով՝ շրջաններում բացել միջին մասնագիտական քոլեջներ և ընդլայնել ուսուցանվող մասնագիտությունների ցանկը,

- ուսուցիչների և կրթական հաստատությունների աշխատողների աշխատավարձը բարձրացնել ամեն տարի՝ նպատակ ունենալով կանխել սոցիալական խնդիրների առաջացումը,

- պետական քաղաքականությամբ վերաբնակեցվող գյուղերում և քաղաքներում երիտասարդ մանկավարժ մասնագետների համար կառուցել տներ,
- դպրոցներում ապահովել դեկավարման կոլեգիալ համակարգ,
- մշակել համակարգ, որը կնպաստի ուսուցիչների և աշակերտների ամառային հանգիստը կազմակերպելու գործին: Երկրի մտավորականությունը պետք է կարողանա օգտվել բոլոր այն հնարավորություններից որը հատուկ է սոցիալապես ապահով խավերին,
- ձեռավորել հավասար հնարավորություններ և որակյալ գիտելիքներ ապահովող համակարգ,
- տաղանդավոր երիտասարդներին արտերկրում ուսումը շարունակելու համար հատկացնել ֆինանսական միջոցներ,
- սոցիալապես խոցելի և անապահով խավերի համար մատչելի մասնագիտական կրթություն ապահովել՝ այդ գործում կիրառելով ուսուցման պետական

անարդյունավետ է: Նպատակահարմար է ստեղծել կրթական հիմնադրամ, որտեղ կենտրոնացված ֆինանսական միջոցները միայն կօգտագործվեն մասնագետների վերջնական տեղաբաշխման և համապատասխան ժամանակահատվածում աշխատանքային գործունեության ծավալման արդյունքում,

- այլ երկրների բուհական ասպարեզի մասնագետներին հրավիրել ԼՂՀ, նրանց համար ստեղծել աշխատանքային և կենցաղային պատշաճ պայմաններ,
- խրախուսել վճարովի համակարգում օրարերկրյա քաղաքացիների ուսուցումը,
- մշակել համապատասխան ծրագիր՝ գիտական ներուժի պահպանման, երիտասարդացման, աշխուժացման համար: Պետք է բուհերը, մասնավորապես ԱրՊՀ-ն, դարձնել գիտական հիմնարար օջախ,
- մեծացնել գիտական և գիտատեխնիկական գործունեության պետական բյուջեից ֆինանսավորման ծավալները՝



ֆինանսավորման նոր մեխանիզմներ, մասնավորապես տրամադրել ուսանողական վարկեր,

- հիմնականում խրախուսել ուսուցման վճարովի համակարգը միայն այն տեսանկյունից, երբ այն ֆինանսավորվում է ձեռնարկությունների կողմից՝ իրենց կադրային պահանջմունքները բավարարելու նպատակով,
- ընդլայնել բարձրագույն ուսումնական հաստատություններում պետապատվերի տեղերը: Այս ասպարեզում ունենք չիրացված հնարավորություններ: Պետապատվերի համար բյուջեից հատկացված միջոցների և վերջնական արդյունքում պատրաստված մասնագետների ներուժի լիարժեք իրացման գործը ուղիղ համեմատական չէ և շատ դեպքերում

հենվելով իրական առաջարկների կամ պատվերների վրա,

- խթանել համագործակցությունը և ինտեգրումը ՀՀ և միջազգային գիտական կենտրոնների հետ:
- կադրային ներուժը նպատակային օգտագործելու և հանրային կյանքում նրանց պահանջված լինելու անհրաժեշտությունը ընթացումը համար սահմանել մասնագետների ու պետական պաշտոնյաների կրթական ցենզ, որը ներկայացված կլինի համապատասխան անձնագրային ձեռնարկումների տեսքով:
- Կրթական և գիտական բարեփոխումների բոլոր միջոցառումները պետք է կրեն շարունակական բնույթ:

«Ապառաժ»

Կոչ արցախցիների



ԼՂՀ Ազգային Ժողովի համապետական այս ընտրությունը մենք չենք դիտարկում որպես հերթական ընտրություն: Աշխարհաքաղաքական ցնցումների իրականությունն այն դարձնում է անխուսափելիորեն վճռորոշ՝ մեր վաղվա օրվա ու ապագայի առումով: Ուստի օրախնդիր է, որ Ազգային Ժողովում ՀՀԴ-ն մեծամասնություն կազմի, քանզի միայն Հայ Յեղափոխական Դաշնակցությունն է, որ լավագույնս կարող է.

- Որպես սոցիալիստական կուսակցություն՝ արմատական փոփոխություններ կատարել կառավարման համակարգում, էապես մեծացնել պետության ներգրավվածությունը տնտեսության

ռազմավարական նշանակության ոլորտներում, արդարության և հավասարության սկզբունքը շոշափելի դարձնել յուրաքանչյուր քաղաքացու կյանքում,

- Գիտակցելով, որ գենքի շնորհիվ չէր միայն, որ հաղթեցինք պատերազմը, այլ մեր ոգու արիության և հայրենի հողի զգացումի, այս երկու սրբագույն արժեքներով անկախության սերունդը դաստիարակելուն ուղղել երիտասարդության և համազգային կազմակերպությունների ներուժը,
- Նորանկախ պետականությանը սպառնացող և օրեցօր ահազնացող վտանգը չեզոքացնել, անհրաժեշտ ինք-

նապաշտպանությունը նորագույն հաղթանակի վերածելու հրամայականը առավելապես իրագործել՝ իր թիկունքում ունենալով ազգային զաղափարախոսական հզոր ուժը և դաշնակցության աշխարհասփյուռ կառույցները,

- Համատեղել համայն հայության ներուժը՝ Աստվածային խոյանքով վերանվաճած մեր Արցախ պետության իրավական անկախությունը կերտելու և միջազգային ճանաչմանը հասնելու համար:
- Ուրեմն՝ բոլորս միասին դեպի նոր քաղաքական Շուշի ու դեպի մայիսյան նոր հաղթանակ:

ՀՀԴ նախընտրական ծրագիր

Ինձ համար խաղաղությունն է երջանկության բանաձևը. Մելանյա Բալայան



Պատմամշակութային ժառանգությունը հավուր պատշաճին պահպանելով ու հանրությանը մատուցելով՝ մենք մեր կարեւորագույն ու արժանի նպաստը կունենանք ԼՂՀ ճանաչման առկա բարդ ու խճճված գործընթացում: Բանակցությունների ընթացքում անընդհատ շահարկվող «գրաված տարածքների» հիմնախնդիրը միանգամայն այլ ձեւակերպում է ստանում, երբ դիվանագետների առջեւ ծառանում են հիշյալ տարածքներում թեկուզեւ շատ քիչ քանակությամբ տակավին պահպանվող հայկական հուշարձանները եւ ընդհանրապես իր հիմքով

Մելանյա Բալայանը Արցախի պետական պատմա-երկրագիտական թանգարանի տնօրենն է, պատմական գիտությունների թեկնածու, դոցենտ: Այն հայ կանանցից է, ով իր ամբողջ կյանքի ընթացքում սրտացավություն ու պատասխանատվություն է կրել երկրի ներկայի ու ապագայի նկատմամբ:

Ծնվել է 1963թ. մարտի 1-ին՝ ԼՂՀ Մարտունու շրջանի Գիշի գյուղում: 1980թ. ավարտել է տեղի միջնակարգ դպրոցը եւ նույն թվականին ընդունվել Երեւանի Խաչատուր Աբովյանի անվան մանկավարժական ինստիտուտի պատմության ֆակուլտետը: 1990-ից սկսել է իր աշխատանքային գործունեությունը:

1990-1999թթ. աշխատել է Ստեփանակերտի Աշոտ Ղուլյանի անվան թիվ 2-րդ դպրոցում՝ որպես պատմության ուսուցչուհի: 1999 թվականից դասավանդում է ԱրՊՀ-ում: 1997թ. փետրվարից նշանակվել է Արցախի պետական պատմա-երկրագիտական թանգարանի տնօրեն եւ առ այսօր աշխատում է նշյալ պաշտոնում:

2004թ. ՀՀ Գիտությունների ազգային ակադեմիայի պատմության ինստիտուտում պաշտպանել է թեկնածուական թեզ «Հայ Աղվանից եկեղեցին սկզբնավորումից մինչև 15-րդ դարը» թեմայով: Մելանյա Բալայանն ամուսնացած է պատմական գիտությունների դոկտոր-պրոֆեսոր Վահրամ Բալայանի հետ: Ունի 2 զավակ եւ 2 թոռ:

Մեզ հետ ունեցած անկեղծ զրույցի ժամանակ խոստովանեց, որ Արցախի մշակութային կյանքում կան թերություններ, որի առաջին խոչընդոտը, նրա կարծիքով, Արցախի փաստացի չճանաչված երկիր լինելն է: «Սա, իհարկե, մեծ խոչընդոտ է մեր մշակույթն աշխարհին ներկայացնելու առումով, բայց դա չի նշանակում, որ մենք պիտի բավարարվենք դրանով: Ընդհակառակը, մեր նպատակներին հասնելու համար պիտի պայքարենք, որովհետեւ կյանքն ինքնին պայքար է», - ասում է Մելանյա Բալայանը:

«Ուզենք, թե չուզենք, այսօր մեր մշակույթն ինքնըստինքյան քաղաքականացված է: Սկսած մեր հնագիտական հավաքածուներից՝ մենք անընդհատ փորձում ենք հիմնավորել, որ այն, ինչը գտնվել է այստեղ՝ հայկական է իր ծագմամբ, եությամբ եւ այլն: Արցախի տարածքում հայտնաբերված պատմամշակութային արժեքները ձեւավորում են հստակ պատկերացումներ այն ստեղծող ժողովրդի ազգային յուրահատկությունների, հավատքի, ընդհանուր կենսակերպի մասին:

Վել երիտասարդության՝ առավել ակտիվ մասնակցությունը թանգարանային կյանքին, ինչպես նաեւ մեր ազգային արժեքների հիման վրա ներկայացվող ազգային պատմության շնորհիվ նպաստել երիտասարդության ազգային գաղափարաստության ու ազգային ինքնությունը գիտակցող քաղաքացու ձեւավորման գործին:

Ընտանիքում ունենալով պատմաբան ամուսին՝ տիկին Մելանյան ժխտում է այն կարծիքը, որ նույն մասնագիտությամբ մարդիկ դժվար են համատեղվում կյանքում: «Իմ կյանքի փորձից կարող եմ ասել, որ հակառակը՝ նույն մասնագիտությամբ ամուսինները իրենց համատեղ կյանքի ընթացքում նաեւ մասնագիտական առումով են կապվում իրար, ամուսնական հարաբերությունները ինչ-որ տեղ վեր է ածվում նաեւ գործնականի, ընկերականի, որն էլ, իմ կարծիքով, ավելի ամուր է դարձնում զույգերի կապը», - ասաց Մ. Բալայանը:

Կնոջ երջանկության բանաձևերը համարում է խաղաղությունը, ասում է. «Եթե աշխարհը խաղաղ է, եթե ջո երկիրը խաղաղ է, սա երեւի ցանկացած կնոջ ամենամեծ երջանկությունն է: Մի՞գուցե որպես պատմաբան, անցյալի արհավիրքներին ծանոթ լինելու պատճառով է, համենայն-

մեկտեղ ոտքի է կանգնել նաեւ հայ կինը՝ կիսելով հայրենիքի ճակատագիրը, ժողովրդի ցավն ու տառապանքները: Բնականաբար, այլ կերպ լինել չէր կարող, որովհետեւ կինը հասարակության լիարժեք անդամ է, ժողովրդի մի մասնիկը: Եվ այն փաստը, որ այսօր կինն ուզում է մեր հասարակական, քաղաքական կյանքի ակտիվ մասնակիցը լինել՝ կապված է նաեւ մեր պատմական անցյալի հետ: Այսինքն՝ դա անցյալից ծնունդ առած, հիմնավորված ու արժեւորված, շարունակական մի երեւոյթ է», - ասում է նա:

Մելանյա Բալայանը նաեւ ԼՂՀ ԱԺ գալիք ընտրություններում ՀՅԴ համամասնական ցանկով առաջադրված թեկնածու է:

Հարցին՝ թե իր կարծիքով ինչն է պետք փոխել, որպեսզի երկիրը քայլի զարգացման ճանապարհով, նշում է. «Առաջին հերթին, կցանկանայի, որ հասարակության մեջ ձեւավորվի առողջ մթնոլորտ՝ հնարավորինս նվազեցնելով անհեռանկարայնության եւ անհուսալիության հոգեվիճակը: Կարեւոր է, որ երկրի յուրաքանչյուր քաղաքացի յուրօրինակ սրտացավություն, պատասխանատվություն կրի ներկայի ու ապագայի նկատմամբ: Այնպես փաստ է նաեւ, որ մեր պատմությունը մեզ համար ուղենիշ պետք է լինի. այսօր այս խոսքերը ինչեզրույթ են միայն



դեպս, ինձ համար խաղաղությունն է երջանկության բանաձևը...»

Հայ կնոջ դերը տիկին Մելանյան, առաջին հերթին, տեսնում է ընտանիքում, եւ նրա ամենամեծ կոչումը համարում է ընտանիքի մայր, ընտանիքի հիմնասյուն լինելը:

«Իհարկե, եթե կինը հասցնում է ընտանիքի հետ նաեւ զուգակցել հասարակական, քաղաքական գործունեությունը, բնականաբար, շատ ավելի ընդունելի, օգտակար ու հաճելի երեւոյթ է: Հասարակական, քաղաքական կյանքում կինը միշտ էլ կարող է եւ պետք է ունենա իր լիարժեք դերակատարությունը: Ես, թերեւս, տարբերություն չեմ դնում կնոջ եւ տղամարդու միջեւ հասարակական-քաղաքական կյանքում: Եթե կինն ունի համապատասխան մտավոր ունակություններ ու հնարավորություններ՝ իր նպաստը բերելու հասարակական կյանքի կայացմանը, ազգային ընդհանուր առաջընթացին, ապա պետք է իր արժանի դերակատարությունն ունենա այդ գործընթացներում:

Պատմությունը մեզ շատ դրվագներ է բերում, երբ երկիրը ծանր իրավիճակում հայտնվելու դեպքում տղամարդու հետ

ասելու համար, բայց մեր գործունեության մեջ դա այդքան էլ նկատելի եւ կիրառելի չէ:

Անվիճարկելի փաստ է, որ այսօր աշխարհը առավել արագ տեմպերով է զարգանում, եւ մենք պետք է անենք առավելագույնը, որպեսզի այդ զարգացմանը համընթաց գնանք, այլապես մենք կդառնանք «երամիջ հետ մնացած թռչուն», որի ճակատագիրը պարզ է, թե ինչպիսի ավարտ կարող է ունենալ... Այսօր Արցախը պետք է դառնա այն երանելի վայրը, որը պիտի ձգի բոլորին: Իսկ երանելի վայր կառուցելը հնարավոր է միայն օրենքի գերակայության պայմաններում», - շարունակելով միտքը՝ շեշտում է նա:

Նրա կարծիքով՝ յուրաքանչյուրը պետք է կարողանա իր շուրջը ստեղծել շատ ավելի պատկառելի, առողջ մթնոլորտ, իսկ այդպիսի մթնոլորտը ձեւավորվում է միայն փոխադարձ հարգանքի դեպքում, մեկը մյուսի խնդիրները լուծելու պատրաստակամության ու ձգտման միջոցով: Առաջնային խնդիրը պետք է լինի մեր հասարակության շրջանում առողջ մթնոլորտ ձեւավորելը:

